

定山堂詩集

定山堂詩集卷七

五言律詩三

九十三首

于皇辟疆友沂穆情謔于再集寓齋出諸詩

壽共觀

四首

道開達有慧識三上人同于皇穆情友沂集

寓齋限韻二首

冬杪三日善持君三斗設悅之辰十七日又

余始降達公於此月朔爲誦經竟日感其

意至因賦二首兼記歲月

伯紫穆情見過時萬後荒園新啟命儻子縛
帚掃除月不邀同勢所難集適孝威園次
繼至卽席限韻

再登園宇韻四首并圖次

贈友沂和伯紫韻

程穆情同將至時萬後荒園新啟命儻子縛
帚掃除月不邀同勢所難集適孝威園次
繼至卽席限韻

酬園次道別三首

酬友沂時別四首

舟至淮陰與家弟孝積小飲

二首

階六蓼菴招同穆倩及家弟孝積集爾亮草

堂

四首

送秀升還里卽和其留別韻

六首

將發淮陰過放生池別道開等倫二上人適

彥清張君出邸中藏酒小飲椿巢兼示古

器二種卽席賦贈并留別兩公

一首

萬子年少自清江過訪值余同友他出闕焉

傾倒返舟旣迫後晤未期臨發惘然賦此

寄謝

四首

除夕前一夜歸自淮陰洞門及友沂招同姚

戊生同年集友雲軒

四首

人日有懷秋岳

白仲調移居蕭寺賦贈

二首

枕上不寐復得二首

初春雪夜同顧與治姜子翥偶集兼送仲調

之海陵

四首

友沂訂遊平山堂連朝風雨不果

二首

南齊書

卷之四

齊書卷之四

齊書卷之四

齊書卷之四

齊書卷之四

齊書卷之四

齊書卷之四

齊書卷之四

定和望詩

三

杜于皇兩難用傷詩

中秋苦雨至十日夜始見月

借

爲友亦有贈四古書

定山堂詩集卷七

姪嘉稽

淮南龔鼎孳

男士稹全較

弟

士稚

五言律詩三

于皇辟疆友沂穆倩諸子再集寓齋出諸詩

畫共觀

座仍前夜密爲客緩征輪乘興狂相就謀歡老是
貧都將兒女意一勸亂離人爛熳牆東侶能辭醉

定山堂詩集

五言律詩

卷七

尉嶼

千皇府
有所驅

其二

開閣延幽賞霜高秉燭天
圖書傳秘苑烟水到吳船
懷古身何適藏山晚自憐
醉來雙眼白無分望
卮泉

其三

笳吹成飄梗衣裳集晚荷
文星千里動寒月五更
多擊筑同高會長鑱此放
歌狂呼心自苦忍爲秦

迴波

酒半玉司空鐵
山至一座甚喧

其四

淮海秋鴻盡天風夜上潮
吾徒猶健在物色未蕭條
方法山花飯行藏谷口樵
柴桑留怪事詩繫義熙朝

道開達旨慧謙三上人同于皇穆侍友沂集

寓齋限韻二首

客罷竟無事天虛景物澄
嘯歌移白社歲月老蒼藤
饑鶴歸難料空山懶最能
參差斜照外落木冷如僧

其二

鴈響下庭際空階若練澄疑從千嶂月相伴一枝
藤世味羈栖減浮名少賤能白頭支許約易說太
平僧

冬仲三日善持君三十設悅之辰十七日又
余始降達公於此月朔爲誦經竟日感其
意至因賦二首兼記歲月

形容誰早歲風俗尙他州月放瓊花里鴻高貝葉
樓浮生安杖笠白髮抵觥籌逃世還瀟灑龐家有

莫愁

其二

寒天鐘磬發歌吹古揚州
歸鳥啣殘日深燈擁寺樓
戀閑蘇酒病分興送更籌
白髮他時事香林戒片愁

伯紫穆倩見過時寓後荒園
新啓命僮子縛帚掃除月下
邀同秀升讌集適孝威園次
繼至卽席限韻

每當幽吹發秋草憶空園
不意孤亭月初來高士

言林荒迴鴈夕人淡早梅軒薜荔喧燈火栖烏整
欲翻

其二

秉鋤誠悔晚生事客中微意外聊三徑天涯又一
扉菊松徵士集橡栗杜陵稀今夜繁霜下何辭薄
醉歸

其三

墻東能避世欲廢楚臣騷短鬢愁征角人情厭市
袍歲寒諸子在處士一星高樽酒深林出應呼擊

筑豪

其四

過江人欲盡此地得旗亭花冷銀虬夜歌橫金馬
星戢塲南國遠芳草北山青嵇阮神交異寒閨倒
玉鉞

再登園字韻四首和園次

偶然籬落意亦當辟疆園白恰此同坐青山足放
言酒香浮晚樹雲物散閒軒客思從孤迥當杯造
月翻

其二

高城寒擊柝暮靄正霏微鴻下前山葉霜濃入夜
扉長貧幽客至經亂故園稀得侶忘飄泊翻淒歲
晏歸

其三

恨人懷抱盡怨不擬離騷天地看長鋏兵戈送緇
袍江花寒自密旅枕醉能高卅路難衰鳳悲歌豈
易豪

其四

文園遊倦後、無意客都亭、不有杯橫月、能辭贊欲
星途寬、雙眼白、人似數峰青、今夕西牕燭、留香散
膽餅

贈友沂和伯紫韻

楚蘭羞艾植、周粟讓薇廉、才子初傳捷、軍書未解
嚴、看人如白壁、起草合青緜、莫秘金門策、狂夫老
未潛

其二

一馬工行步、龍媒復錦韉、神清江左格、地濕賈生

篇紫袖三千字紅粧四十絃幽人懷抱異長憶永
嘉年

其三

負米兼辭辟知君孝且廉門風陳紀貴月旦汝南
嚴舊夢憐飄絮新人讓纖縑江湖兵甲滿無計問
飛潛

其四

曾聞垂柳地秣馬愛香羈果擲青紈扇花明白雪
篇歡娛乘早歲感憤託繁絃頗怪揚雲寂書成自

妙年

程穆倩同舟至淮過鼈湖見示三咏卽席酬

和

招隱淮南路能同訪戴舟角巾登上座清嘯發中
流酒盡霜鴻過帆隣戍鼓愁浮家當閉戶分夢與
沙鷗

其二

不謂鳴笳外清商奏古音雪晴千舫集月小半湖
陰野堠烏吟柝寒卮夜典琴名香薰座滿吾忍換

華簪

其三

國士祠邊草重憐
食客來千家愁戰伐
雙屐破蒿萊屠狗封侯態
雕龍避世才煩君同弔古窮路一徘徊

酬園次贈別三首

高枕無林澗傷心賦遠遊
海雲低畫角寒日下輕舟
歲晏人離索兵深鴈阻修
眼中車馬客金穴已通侯

其二

燕城衰柳下小艇坐諸君寒色虛樽酒征帆動夕
曛家貧移棹雪人靜繫停雲鮑謝憐詞賦投戈或
右文

其三

蓬飄多難後進食費招延虎豹鄉難老蟬魚字未
仙小山叢桂夢芳訊早梅_{一枝}玉案清無敵吟燈伴
晚鈿

酬友沂贈別四首

馬裘零落盡失興剡溪遊借米增行色臨流送野
舟美人勞驛騎騷怨語靈修斜日王孫草經過問
故侯

其二

瓊簫吹恨滿明日又入涯白墮惟澆趙青山欲盡
淮錦驄金作埒花信土爲脾老大餘消渴看君十
二釵

其三

吾道難羈旅人間况口兵江湖淒晚暮冰雪戀孤

清湘瑟幽蘭操松風傲士烈勸歸懸蔣徑歲色虧
崢嶸

其四

寒花開小閣卜夜中吾曾重見離亭月相思雪舫
燈一餐依舊雨萬馬破層冰共買何山隱常春托
興能

舟至淮陰與家弟孝積小飲

鴈聚長河夕雲連故國陰檻風催燭短旅臘對愁
深飄泊還山夢艱難負米心當盃能惜醉鐵騎正

如林

其二

殘星明晚閣語笑卜更闌
蒿酒輸淮苦梅花近北
寒沙馳門外路冰鱸客小盤
蕭瑟憐兄嫂長歌行
路難

階六蓼菴招同穆倩及家弟孝積集爾亮草
堂

地澗蓬猶轉霜清夜欲分芳樽
寒色破畫角晚愁
聞海甸高龍腹嚴城閉馬群
大風天畔起終日有

浮雲

其二

短筑干戈外，長河荻葦前。
一餐情自古，天下士相憐。
幽谷喧花信，浮踪聚柳綿。
草堂燈燭影，明滅五更天。

其三

小山愁桂盡，畏路歎薪勞。
命駕因中散，看梅憶水曹。
酒人私歲月，天意或風濤。
熟習歡娛理，繁霜爇二毛。

其四

笑談森竹柏節物近椒花
鯖好淹銀漏鷄荒激凍
沙感時如廣武結客又朱家
辛苦軍麾側征鴻影
自斜

送秀升還里卽和其留別韻

天涯人不聚安識別離難
獨送還鄉路翻悲竟夕
歡何年同築室明日勸加餐
岑寂官梅驛雲濤濺
客寒

其二

故山輕去久此夜竟躊躇亂後難彈鋏愁中各著
書黃沙吹折柳白日照分裾君信飄零客蓬蒿少
竹廬

其三

同學稱年少難忘雨雪時歲華天寶夢風格建安
詩四海青絲絡當年白接離勿言樽酒薄千里一
深卮

其四

江海環長戟風塵上短裘唱騷能白首扶醉到輕

丹杞棘牽衣晚荆花泣別秋

時與舍弟同歸

翻憐親故遠

里舍似他州

其五

朔雪千山霽孤雲一舫斜
烏棲原故樹人去正春
華往事憐吹絮餘生學種瓜
離亭多少意黯澹有
飛沙

其六

慷慨臨岐路卽杯復浩歌
戰場遊子隘斜日羽聲
多朋舊中原別乾坤塞上
戈因風報諸子吾道托

烟蘿

將發淮陰過放生池別道開等倫二上人適
彥清張君出邸中藏酒小飲椿巢兼示古
器二種卽席賦贈并留別兩公

客居張仲蔚今日破蓬蒿雪色臨河壯茅齋倚樹
高人從愁裏別貧向酒中逃君自要離偶風塵惜
寶刀

其二

溪上蓮花社攢眉許一開樽罍涵古色風物澹荒

臺世覺平原左居同阮籍哀不堪江館暮鴈外有
疎梅

萬子年少自清江過訪值余同友他出闕焉
傾倒返舟旣迫後晤未期臨發惘然賦此
寄謝

雪高清夜舸爲訪少微來豈有元龍至空令題鳳
回雲寒淮泗合兵定薜蘿開天地蕭條興遲君倚
劒杯

其二

彭城悲戰色歲晏客心同一飯憐青眼千年想大
風中原從逐鹿吾黨各飛鴻厨俊相看盡幽人得
桂叢

其三

門外清江路張融萬里船道窮寬出世書就痛編
年豐沛英雄老曹劉壁壘堅過江諸俠少心折祖
生鞭

其四

一雪新亭淚乾坤有布衣河深鱗甲臥風逆羽毛

定山堂詩集

微管樂終難信漁樵卽漸稀每逢天下士相問故
山薇

除夕前一夜歸自淮陰洞門及友沂招同姚
戊生同年集友雲軒

銀紗隔絳烟星彩動江天梅柳先春事饒筍下瀨
船他鄉同節序清夜美流連頭白金樽裏虛愁日
似年

其二

佳興豁淒寥吳歆對楚騷栖鴉驚疊鼓旅鴈轉霜

毛裾阮群堪隱荀陳座竟高南園花徑邇飄泊快
吾曹

其三

肯負北山靈江湖客是星卽今鳴角遠漸有早鶯
聽朋好天涯密風塵物態經醉餘身鬪健蕙草碧
中庭

其四

久客改征衣芳春感陸機食憐鷗鷺儉人傍駃騠
歸天意愁難補生涯晚漸微眼看年少客花繞玉

鞭飛

人日有懷秋岳

客愁征路熟人日憶人時雪草江淮碧林花驛騎
遲關山深節候兵甲間歡悲應愛春溪好當晴理
釣絲

白仲調移居蕭寺賦贈

憐君空襪被感我尙浮家裝少全寬屋離疎欲凍
花高吟生午寂春鬢爲愁華交態防朱轂寧容問
字車

其二

天意當蕭瑟河山與客囊半肩循戍壘一僕瘦回廊
茶熟隣僧竈藜穿故老床平生蕃武意豈爲道途傷

枕上不寐復得二首

且喜良朋近空齋洗屐痕自然高臥穩頗謝主人
喧春寺纔經雨孤燈莫閉門蕭條天下士書劒自寒溫

其二

定山堂詩集

卷七

七

食有豺狼鬪饑辭鴈鶩呼英雄愁飯久盜賊笑人
愚畏俗閒長缺傷心縱玉壺大江春浪起擊楫共
菰蘆

初春雪夜同顧與治姜子翥偶集兼送仲調
之海陵

雪中南鴈盡樓閣只輕寒草細春林失天低落月
看雲迷青箬笠風起白衣冠深夕王猷舫翻因興
到寬

其二

柳慢河橋路危欄不易凭
展聲開蔣徑江色上鍾陵
松定深千壑檐虛綠一燈
晏眠芳袖意分夜到良朋

其三

亭臯烟景合惜夜不垂簾
鵲啅疎花落鷗知春水添
城雲征鼓濕兵氣老農占
偏是銷魂近更長酒更廉

其四

共對三更雪重憐十日晴
過逢無主客醉夢只柴

荆步屨歌堪倒春帆緩自輕却愁人跡散江楚各
啼鶯

友沂訂遊平山堂連朝風雨不果

日有青郊約虛傳碧草斜春停三日騎雨病六朝
花衣桁昏殘酒城陰逼暮鴉蕭蕭樓閣外猶白戰
場沙

其二

客漸春城盡花筵轉寂寥雷塘迴暗柳爪步響寒
潮能著幾兩屐空憐廿四橋只愁風雨歇江上有

征橈

寄答辟疆

別後能相憶
寒江到尺書
未知征舸遠
或怪故人疎
霜燭曾聞鴈
春波欲上魚
樸巢花事動
幽興近何如

其二

憶爾趨庭日
重吟野客篇
大文生孝友
古道薄肥堅
市虎談何驟
雕蟲事可憐
莫辭真閉戶
到眼尚風烟

定山堂詩集

其三

諸子邗江聚青山竟有人對花驚歲改送客厭身
貧愁挾春陰重交餘濁酒親殷勤報雙鯉此際放
吾顰

其四

晚合論膠漆惟君恕酒狂全忘青白眼各鬪淺深
粧望去埜雲碧折來官柳長芳卮千里約曾許就
歡場

送友沂之雒臯

祇恐君送別今作送君人
驛柳初移舫鶯花正
春最真兒女態難定
亂離身斜日應回首
天
比隣

其二

醉者易爲別
啣杯此夕難
爲憐離袂遠
翻惜酒痕乾
握手語如夢
開恍春正寒
銷魂吾自信
不敢勸
加餐

其二

爲爾辭淮海
輕裝逼歲除
一分春色盡
雙鬢別愁

初花雨封遊屐晨鐘報索居高樓風日改留得夢兼書

其四

各制河梁淚蒲帆到卽還却愁迴剡曲重與唱陽關江楚兵方盛風塵鬢易斑勿言嵇呂事只看六朝山

友沂與余同日至白門雨集秦淮同伯紫賦好友青山面重逢有夙因無多江上舸恰載夢中人聽雨今何夕裁書正隔旬往來馳二仲不異前

西隣

其二

高樓人迹散鷗夢聚春沙
古渡重投舫秋燈一放
花班荆南國晚焚桂北山嗟
誰唱烏棲曲涼雲濕
絳紗

秋夜柬友沂

一涼知夜氣花徑野雲封
天欲過初鴈人如隔數
峰青燈疎落木微雨報秋鐘
桃葉笙簫路何時曳
杖從

定山堂詩集

五言律詩
十八

卷七

其二

坐深聞蟋蟀天地入秋聲
江外鏡笳滿林中枕簟
清醉眠誰共榻風露一調筆
廓落憐同調遙知楚
客情

病中友沂見過值雨因留小飲

伏枕清秋日蓬門一客來
藥囊花下減酒禁雨中
開蘿薜全睵髮江山亦忌才
興幽從偃蹇直作比
隣迴

其二

河上雙魚字樓頭對酒心愁回同皓月人病正秋
陰散帙香浮榻繁苔綠上琴世情原覆雨猶幸入
林深

王雪園侍御入都送別四首

雲帆天際發只載蔣圖烟擊楫澄江左行驄到日
邊書成磨盾候俸罄買山錢闔闔虛前席應陳賈
傅篇

其二

郡國徵求急蒼生戰伐長惟公驅害馬比屋頌神

羊人坐米壺月山搖繡斧霜至今聞父老野戍有耕桑

其三

北極星輝動中原岳色孤輶車行使者河雒起真儒鳳采九秋勁麟文八代殊艱難吾道在時借息囊扶

其四

碧草連江館勞勞送客初新亭難載酒落日正牽裾祿米存加飯詩篇慰索居野人疎懶極終擬滯

樵漁

秋夜友沂寤明伯紫澹心過宿園小飲

寥濶江天外秋鴻影未稀
新亭王謝酒落日芰荷
衣木葉小庭下柴門生事非
高朋日談讌似有北
山歸

其二

無聊絲竹意爲世破深愁
秋色來青嶂浮雲送白
頭瑯琊情自命魏晉酒爲謀
南渡何年事吟鐘過
瓦侯

過于皇齋中留飲

高齋梧竹影，竟日對蕭蕭。
幽客看顏善，秋陰入戶遙。
論詩防薄俗，進酒似清宵。
此意存狂簡，匡牀坐六朝。

其二

世惟無處士，風俗至于今。
得暇安羈旅，言愁諱陸沉。
龍蛇伸在屈，蟋蟀懶能吟。
盡讀天台賦，心輸檇

地金

于皇山
示近詩

杜于皇雨中過寓齋論詩

庭樹過深雨，寂如秋欲殘。
各緣高枕到，樽對碧梧寒。
詩法愁中進，人情老自看。
嵇生龍性在，兼恐絕交難。

其二

語默全關世，兵戈不盡愁。
何人堪白眼，此地足清秋。
事去名山厄，時讀故人遺詩談深竹戶幽。
林中無世法，沾灑到羊求。

中秋苦雨至十八夜始見月

冰蟾光似昔，辛苦破層陰。
難補高秋恨，猶憐碧海

心吹燈殘葉下過鴈一江深
今夕看虛幌何辭徹
昭砧

其二

桂闕迴生愁寒星下石頭
月還同萬里天不改中秋
香霧晴仍濕潮痕老漸收
蒼蒼宮樹影莫任野雲浮

爲友沂有贈口占書箴

桃葉復桃葉秦淮水乍秋
月迷金屈戌人倦玉搔頭
蘭氣浮珠幌雲出畫樓
河邊雙艇子消盡暮

愁愁

其二

六朝金粉地留得可憐無
卜夜開瓊瑟防人喚鳳
雛墻東釵贈玉門外柳
藏烏珍重看團扇西風
到井梧

其三

千秋佳麗事名士悅傾城
玉樹當風倚桃笙徹夜
清遮燈應有恨攬鏡各
多情香草沅湘夢天涯
白露生

定山堂詩集

五言律詩

卷七

其四

看世宜輕薄，誰憐青眼稀。
嘯歌餘白苧，宛轉到羅衣。
蓮隱蜻蜓路，花遲蛺蝶歸。
章臺春未了，不忍負芳菲。

定山堂詩集卷八

五言律詩四

八十三首

與治孝威園次伯紫集飲木末亭共用秋字

韻予未克赴悵焉補作

二首

容與臺卽事同孝威瑞涵諸子限韻

四首

中林堂聽雨同孝威園次作

二首

長千秋興

十首

再送園次和于皇韻

再送又韓和園次韻

送秋兼送客爲洞門及友沂返廣陵也是日

秋盡伯紫孝威同賦

八首

送達公之澠上

留別聖秋和修遠韻

留別澹心卽次原韻

五首

邗江春暮于皇孝威園次辟疆過集用少陵

陪鄭廣文遊何將軍山林十首之八韻

贈張仲芳

伯紫于皇子翦穆倩諸子有見留之作卽席

賦答

寄懷友沂

十首

寄題竹溪草堂

五首

燕邸人日用杜韻懷秋岳

是夕夢與秋岳論詩

客歲人日舟中于皇伯紫諸君送至燕磯而返再用杜韻寄懷

前歲人日客廣陵友沂仲調園次玉少定九諸子過飲三用杜韻寄懷

寄答高欽亮八首

和孝威秋懷

十首

送沈碩菴南歸

二首

定山堂詩集卷八

姪嘉禧

淮南龔鼎孳孝升著

男士稱全較

弟鼎璠孝積訂

士稚

五言律詩四

與治孝威園次伯紫集飲木末亭共用秋字
韻予未克赴悵焉補作

城南黃葉路載酒羨群遊
鴈下連江樹鐘寒落日樓
懶深遲倚榻天濶轉悲秋
極望連雲物還依鵝

鵲浮

其二

偶感遜國時
方正學往事

革除無帝紀叩馬一編留松柏知何社衣冠尙故
丘不辭筇杖晚愁對寢園秋十族應澆恨人爭羨
微候

容與臺卽事同孝威瑞涵諸子限韻

惆悵秋陰下樓臺戰伐餘閒餐彭澤菊快比武昌
魚遠岫青橫几雲鬟碧映書一簾烟水濶的的長
吳葉

其二

不謂藤蘿窟平翻鴈鷺池
山廊低野竹流水咽哀
絲烟雨鴟彝宅江山謝客詩
入林幽事集無暇傲
當時

其三

愛聞裘羊徑蓬蒿客路中秋深
巖壑變興遠寂寥
同砧亂千林葉霜高一笛風登臺
重矯首天地有
征鴻

其四

乍驚荷雨急
魴鯉戲中流
古堞斜過鳥
寒山半隔樓
隣扉齊落葉
臥閣等扁舟
莫訝軒車寂
貧家到

白鷗

中林堂聽雨同孝威園次作

青林寒響急
秋色老幽尋
哀鴈此時斷
白鷗相與深
旅燈疎似背
菊蕊冷從今
不惜支扉臥
蓬蒿倍鬱森

其二

卽不悲搖落
蕭蕭此夜聲
秋深孤枕客
雲暗三江

兵荷菱晚仍勁烟林側復橫盃乾忘未夕清漏迥
難明

長千秋興

是日同友沂山南郊坐雨花臺慨然有感
未幾潛心寤明孝威來未幾仲調來未幾
于皇來不期而集遂不減旗亭高會偶簡
得空同河上秋興十首各用韻賦如數

烟樹南朝濶征鴻自遠方屢逢晴日健鬢對老秋
蒼孫楚樓千載桓伊笛一航登臨幽興愜爲勸緩

浮湘

友沂時將返楚

其二

倚石雲蘿密橫空碧岫長川原猶景物天地正戎
行秋好安蕭瑟臺高逼混茫澄江銷客恨不擬醉
爲鄉

其三

天空秋杵急林僻午鐘微故國經霜早青山到客
稀開樽先落帽聽鴈試沾衣俯仰來吳楚寒濤夾
岸飛

其四

莫送凭高目臺城有暮烟
烏衣人欲盡壁月語空妍
雲臥何年事江撐半壁天
儘知滄海異平楚竟蒼然

其五

新亭杯酒後哭歎已無人
斜日樓臺出行歌蕙草春
園碁消幾屐舉扇障何塵
採藥千峰晚蕭條惜此身

其六

花月長千里歡娛子夜歌何年清角動一望野雲
多故老晨星散餘生醉夢過悠悠滄海上羽檄亂
烟簑

其七

殘僧秋院寂木杪見柴關幘岸陶潛酒樓平謝客
山日攜筇杖出看罷菊花還他夕扁舟夢能忘白
鷺灘

其八

百戰樓船地三秋橘柚天高雲孤鳥沒古道夕陽

懸虎踞遺雄迹鷗行媚遠川關河王氣外落木浩
無邊

其九

朱玉悲生事登臺萬里秋卽今芳草暮終古大江
流紫鴿翔朱塢黃雲吐戍樓諸君南渡日醉夢已
封侯

其十

欲采芙蓉去風波不可行幽花偏繞寺衰柳故臨
城世事愁難老秋潮晚自鳴茫茫關百慮洗馬若

爲情

再送園次和于皇韻

少別愁知暫難堪雨雪歸一江寒木葉萬事好柴
扉彤管偕綦縞詩篇飽蕨薇五更霜角滿爲報故
人稀

再送又韓和園次韻

夢逐扁舟去寒潮夜半分繫情三月柳愛客兩峰
雲海窟龍能臥霜天鴈不群藏山關象緯勿使姓
名聞

送秋兼送客爲洞門及友沂返廣陵也足日

秋盡伯紫孝威同賦

對客憐秋去潮荒建業城難堪江上櫓又送鴈邊
聲砧急霜催暮山寒月放晴離亭盃酒外萬馬一

時行

時征兩粵兵
泊石城下

其二

楚客行吟久江山未卜居得歸仍繞樹望遠一迴
車落日橫清笛行雲託素書琴心秋後寂易渴馬
相如

其三

當別翻無淚、難爲懷抱時、飄零天意定、貧賤歲寒
宜、雨外丹楓路、星前白苧詞、芙蓉江水碧、渺渺信
予思

其四

憶放揚州舸、江風二月寒、如何衰柳色、重作早春
看、葉落溪山老、愁新衣帶寬、倦遊應閉戶、世態已
衝冠

其五

前綏行且止計畧惜高秋天道存冬雪人情笑傲
裘鐘分今夕夢帆亂一江愁岐路風瀾急誰爲濯
足流

其六

九秋寒露下佳句逼陰何弓古過陵闕還家長薜
蘿霜靑人對酒風緊夜橫戈太息河山後吾儕散
釣簑

其七

數子晨星聚今仍參與商飛鴻天浩浩洗馬意茫

茫菊亂幽人徑，猿雷故里裳。
關山吹角夜，秋思落何鄉。

其八

到日林蟬滿，層陰遽報冬。
同扶三月杖，長對六朝松。
俗薄萍踪拙，人狂古道容。
別愁知較淺，相待隔江鐘。

送達公之淝上卽和其留別韻

不作有情別，臨岐亦悵離。
感公身是客，益我鬢如絲。
餒鶴難求侶，孤雲尙繞枝。
愁心鴻鴈外，衰草過

征旗

留別聖秋和修遠韻

帆影春鴻外遙憐玉案青得依三徑竹不羨五侯
鯖大雅爭興替名山尙典型恐君天下士未易久
柴扃

留別澹心卽次原韻

樽酒離亭夕繁霜犯客衣春還先斷柳愁重易斜
暉香草空山合梅花北路稀雲中雙羽翼今日竟
分飛

定山堂詩集

五言律詩

卷八

其二

土案幽人贈高吟落木中生涯偕硯北伴侶欲墻
東蘿薜三秋老葭蒹一路通不堪花信至江上起
征鴻

其三

每當明月夜聯袂坐高齋對酒陳瑤瑟敲詩響玉
釵元音仍草澤風俗競椎埋岑寂芳蘭佩應憐橘
過淮

其四

少微干氣象誰識采薇心寄傲宜叢桂論交有斷
金路岐傷遠別歌苦春知音木末蒼烟晚難分雁
後襟

其五

埋照兼歌哭途窮類阮公遠峰愁北別清夢與石
通計日迎歸棹驚心如入宮河梁頭欲白沾灑對
晨風

邗江春暮于皇孝威園次辟疆過集用少陵
陪鄭廣文遊何將軍山林十首之八韻

晴雲初卷幔芳草漸平橋客至翻紅藥人閒卽碧
霄閉門春事覺乘興野鷗招揚子能耽寂立亭路
本遙

其二

花邊偕坦步泉石一時清林霽從過蜨庭空已到
鶯茶香吳寺雨尊滑越溪羹幽事宜晨夕浮雲訝
此行

其三

謝客容高臥歡來不可支殘英依石磴饑鴈聚春

池二仲狂相就千秋頗自知北山松桂約烟景正
紛披

其四

未嫌花事減莫負草堂開此日猶飛絮天涯况寄
梅幽人多不厭晴月晚能來屐齒經行處香泥破
綠苔

其五

日尋蘿薜趣不盡戀林泉寒食曾中酒春衣又減
綿貧無逃世法醉抵買山錢生事柴門外驚心涉

定山堂詩集

五言古詩

卷八

大川

其六

鉤簾春欲暮高閣柳花香
每愛芳吟滿如逢五月
涼披衣詞客到攬鏡遠山藏
心跡兼丘壑餘歡送
老蒼

其七

噫場多白馬荒園獨閒雲
湖海遊仍壯烟霞隱自
文愁應消月午悔已過春
分今夕偕孤賞疎鐘夢
不紛

其八

春江離別路風日奈愁何
垂柳時堪折青山事尙多
聚星嵇呂駕對酒短長歌
花徑緣君掃無辭策杖過

贈張仲芳

不知春欲盡花鳥閉門中
狂醉容吾數淹留愛爾
同人憐雙壁照時與于皇同寓天使一愁空
好驟驂騶步無憂老甕桐

伯紫于皇子蕭穆倩諸子有見留之作卽席

賦答

不了青霞事行行已拂衣
迴看經歲別長似一帆
歸驪唱窮途習鶯花去日稀
登臨有佳興吾戀謝
玄暉

寄懷友沂

漢江雙鯉到玉案報蓬門
久日寒潮急春燈鐵騎
繁飄萍同節序香草自湘沅
風物年年似愁多忍

細論

友沂有人日
上元見憶詩

其二

玉蘭花下客開落戀揚州尺素難通夢三春盡倚
樓醉分何地袂人老一江愁杜若經行遍滄洲足
釣鉤

其三

一園苔蘚綠高閣鎖春殘懸榻海雲至當歌白日
寒每因樽酒合同作隔年看憶爾詩成後隋珠滿
玉盤

其四

可憐明月夜無恙故人書顏色愁中見寒暄鴈後

疎預傷行路晚真過落花初素侶歸應早青門欲
荷鋤

其五

攜手秦淮上鍾陵落日低晚香雙袖出名士六朝
齊有句留桃葉經春怨竹西殷勤天外夢啼鳩草
萋萋

其六

亂後多遊子君歸似異鄉倚閭雙鬢髮避地一滄
浪每飯臨風立爲歡淚雨強濁醪粗解事人不愛

吾狂

其七

卑濕曾憂地，離騷獨問天。
少年才易厄，潭水事堪憐。
自昔鋤蘭畹，何山到杜鵑。
九疑雲漠漠，目斷畏風烟。

其八

建安餘數子，風雨散中林。
旅燕此時集，湘江終日深。
春歸櫻笋熟，徑小薜蘿陰。
文酒登臨愜，翻傷望遠心。

其九

斜日行深巷花泥擁屐迴戶當垂柳閉人似比隣
來夜月閑金管春風想玉臺竹枝何嬈嬈愛爾踏
歌才

其十

每聞高論發一座玉壺清薇蕨人難飽鶯花意不
平諸州輕戰伐餘子易功名湖海從飄泊君憐阮
步兵

寄題竹溪草堂

李子黼臣築室射陽湖上顏曰竹溪草堂
諸同人咸爲詩歌紀其勝余過八寶匆匆
行路不及一登斯堂黼臣命扁舟送之韓
侯釣臺適梅公司馬來自京師盤桓十餘
日始別臨岐戀戀請爲賦詩文通黯然不
覺才盡別後自河入濟水涸舟膠日行不
二三十里求晝無事言念故人因用少陵
重過何氏五首韻成詩如數夫浣花老翁
于將軍山林來往無期而余尙靳草堂覲

而之緣可溯古今人不相及然吾觀李子
英逸卓犖非久巖穴者鳬鷗之盟終當讓
余代主他日竹溪移文吾與梅翁恐不免
波及耳

選勝愚公谷耽幽種樹書乾坤曾轉戰水石已成
廬地迥惟棲鳳泉香不羨魚籀龍春雨長日護草
玄居

其二

一林青靄合兩岸白鷗移晚飯抄雲字奇文教雪

兒風清開北牖興好愛西陂望湖天出無煩櫓
挿籬

其三

薜蘿誠憤俗豺虎亦乘時自廣絕交論長歌飲酒
詩雲寒翻荷帶秋盡滑尊絲高臥滄江晚能忘漁
父期

其四

蘆中人自異花下屐偏長溪雨開蔬甲春衣試茗
槍此間無甲子何味是膏粱醒酒他年石家風起

贊皇

其五

已遠黃農世寧知魏晉年
垂綸私日月滌硯潤雲泉
天健翁山杖人空負郭田
檀藥千頃玉吾意足蕭然

燕邸人日用杜韻懷秒岳

是夕夢惠
次韻論散

雪後逢人日天涯改歲時
城雲晴自濕江鯉凍仍遲
春入中吳盛情餘罷酒悲
別來詩興健清夢繞朱絲

客歲人日舟中于皇伯紫諸君送至燕磯而
返再用杜韻寄懷

銷魂江上別又及早春時草轉寒林碧帆開雪浪
遲離亭雲尙暗舊壘燕重悲愛有登臨句緘題比
色絲

前歲人日客廣陵友沂仲調園次玉少定九
諸子過飲三用杜韻寄懷

蓬蒿揚子宅歌吹竹西時客到芳辰滿春留畫舫
遲繁星花外落急管月中悲聯袂河橋上懸知念

柳絲

寄答高欽亮八首

獨謀燕市醉、無意吐車茵、啓徑來雙屐、論才敵萬
人、竹西重粉澤、天北一星辰、綳帶憐交晚、柴桑有
素臣

其二

家世隣孤竹、烟霞終古清、著書三輔重、招隱五侯
輕、今代猶蘭茝、高名敢弟兄、玉壺傾倒極、醉醒未
須爭

其三

尺書除夕至玉雪滿燕京別夢連江國還家倦長
卿盧龍寒月落雙鯉曉水行擊筑久初遠悲歌未
敢明

其四

誰奏迴風曲春城有麗娟蛾眉三閭盡龍劒一人
憐玉鏡留芳草金鞭及盛年朱樓新買繡燕趙夙
豪賢

以有湘姬
之約也

其五

定山堂詩集

五言律詩

卷八

隋堤攜手處詞客姓名同我醉眠春月君詩繼國
風江山情不薄蘿薜語偏工官閣梅花夕應瞻塞
北鴻

爲園次
諸子

其六

江左諸郎在能寬亂後身酒酣橫笛夜歌勸采薇
人樂府爭迴席歡場未損神高唐詞賦就白雪早

窺臣

爲德甫公
秀諸君也

其七

萬里門前路綈袍朔雪吹北平風壤舊春訊柳條

移窮戰人難老奇文隱自知故山君信美可似止
又時

其八

金門蕭瑟後實憶歲星明宮闕斜陽路琴樽舊雨
情鶯期下里合花傍五陵生不近平津閣那憂白
壁輕

欽亮約以春日土
華今再訂之

和孝威秋懷十首

柳色長橋暗徘徊溝水西酒醒千里別天濶一帆
低旅迹分樓燕鄉心蹴舞雞旗亭人散後不復唱

銅鞮

其二

日落河梁遠空吟謝客詩碧雲江草合蓬鬢朔風
吹萬念灰征戰千秋付涕洟蒼蒼淮水上國士已
荒祠

其三

小隱安浮梗何期復帝京此行猿鶴怪到日缺驂
鳴湖海懸歸夢荆高奏羽聲窮愁書欲著人不愛
獎卿

其四

攬茝吳陵道亭臯秋雨涼幾年江嶠月同照菱荷
裳學圃留叢菊憂時詠臨桑出山泉自濁今日別
衡漳

其五

寒葉中林夜高歌興不違登臨寬白眼感慨到烏
衣欲別愁明月緣流戀落暉盍簪如可老吾病爲
君稀

其六

定山堂詩集

五言律詩

卷八

宮城春雪散不照舊鳴珂碧草迴金翟黃雲壓塞
駝避人孤憤就慢世酒痕多前席蒼生遠空如涕
淚何

其七

羽獵長楸盛何人賦兩都平津虛客館西第自監
奴白日消幽巷凌雲屈壯圖向來飛動意春至轉
荒蕪

其八

路難知似昔無策臥空林淮泗蓬蒿合貂裘雨雪

深壘殘西楚地、餐報故人心、莫賤長門賦、相如有

賜金

時孝威有
頡上之行

其九

不識風塵趣、滄州一釣翁、飄零來闕下、人物憶隆
中、才大宜黎閣、吾衰擬桂叢、公車油素字、早晚慰
揚雄

其十

天涯諸子會、交態信吾真、戰後青山色、愁中我輩
人、翻飛成別鵠、時俗忌祥麟、好待歸田愜、行歌潤

隱淪

送沈碩菴南歸

共擊燕臺筑輕肥過五陵幾人能結襪萬里復攜
登白眼尊羈旅青編老廢興片颿桃渡水清絕玉
壺冰

其二

碧山其有路安敢羨封侯柳折蘆溝月鷗吟水國
秋鄉心生八詠天意信孤舟爲問王珣幕何如汗
漫游